

Majlis cemas bila KM mengadu sakit

SARIKEI, Rabu — Jamuan tengahari yang diadakan bagi merakamkan lawatan Datuk Seri Dr. Mahathir Mohamad ke sini hampir tergendala bila Ketua Menteri Sarawak, Datuk Patinggi Haji Abdul Taib Mahmud mengadu sakit kepala dan sakit dada.

Sebuah ambulans dikejarkan ke situ tetapi Ketua Menteri muncul sambil tersenyum beberapa minit kemudian dari bilik rehat di sebelah bilik jamuan.

Para pemberita yang membuat

liputan lawatan Perdana Menteri ke sini berhenti makan bila mereka melihat ambulans itu menunggu di pintu masuk "Sri Nyelong", tempat jamuan itu diadakan.

Bagaimanapun, keadaan cemas itu menjadi lega bila Datuk Patinggi Haji Abdul Taib muncul beberapa minit kemudian dengan diiringi oleh isterinya, Datin Patinggi Lalla.

Ketua Menteri terus bergegas ke meja di mana Perdana Menteri dan isterinya, Datin Seri Dr. Siti Hasmah sedang men-

jamu selera.

Bagaimanapun, sebahagian daripada tetamu tidak menyedari tentang keadaan cemas itu.

Bahan asal dari Arkib
Negara Malaysia